

## Band XI., Nr. 5466, Seite 393-394

*Schultheiß, Bürgermeister und Richter von Rottweil beurkunden, dass vor ihnen Adelheid die Witwe ihres Mitbürgers Rudolf Schappel und ihre Kinder dem Kloster Rottenmünster ihr Recht an einer Hube in Denkingen aufgegeben haben.*

Rottweil, 1300. April 27.

Allen den die disen brief gesehent oder gehörent, tûn wir Eberhart der Vriburger der schulthaisse Ûlrich Bletz der burgermaister unde die rihter von Rotwil kunt, daz vro Adelhait Rûdolf Schappels sæligen elichiu wirtinne Hainzeli unde Junte iriu kind unser burger vor uns stûndent an offeme gerihte mit hern Hainrich Schappel deme alten irem vogete unde verzigent sich unde gabent uf mit dez selben ir vogetes hand unde willen . . der abtissinne unde der samenunge von Rotenmünster grawes ordens allez daz rehte, daz siu an der hûbe ze Denkingen die der . . Lacher buwet hettent oder haben môhtent sus oder so luterlich ainvalteclich unde ane alle geværde, unde saite der vor genante vogete uf den aid, daz diz der vrowen unde ir kinden besser getan wære danne vermitteln. Unde wan diz die vor genante vro Adelhait mit rehte wol getûn mohte, do wart ertailt als ze Rotwil reht ist, daz ez wol crafte hette unde crafte wol haben sôlte. Unde daz diz war si unde stæte belibe, dar umbe hant wir mit urtaile unserre stette ingesigel an diesen brief gehenket ze ainem urkûnde.<br> <br> Der wart gegeben ze Rotwil, an der mitwochen vor sante Walpurc dag, in deme jare do man von gottes geburte zalte driuzehen hundert jare, unde warent dar ane Cûnrat Bletz zem helfande, Eberhart der Vriburger der schulthaisse, Cunrat Bletz zem adelar, Hainrich Vocke, Hainrich von Wæhingen, Hainrich in deme Hove, Hainrich Zûrich unde anderre biderber lûte gnûge.

Textabdruck folgt dem Original.<br> <br> Siegel der Stadt Rottweil, s. WUB, Bd. IX, S. 285, Nr. 3866.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

B 494 U 168

## Weitere Angaben

**Sprache:**

Deutsch

**Ausstellungsort:**

Rottweil

**Aussteller:**

Eberhart; der Vriburger, Schultheiß von Rottweil Ulrich; Bletz, Bürgermeister von Rottweil Rottweil; Richter

**Ortsindex:**

Burg Wehingen Wüstung (23434)<br> Burg Wehingen, Wehingen, TUT, W<br> Denkingen Wohnplatz (14035)<br> Denkingen, TUT<br> Rottenmünster Wohnplatz (12415)<br> Rottenmünster, Rottweil, RW<br> Rottweil Wohnplatz (12416)<br> Rottweil, RW